

I

ՀԱՅԱՍՏԱՆ- ՍՓՅՈՒՌԻ: ԻՆՏԵՐԱՑԻԱՅԻ ՓՈՒՎ

Բանասիր. գիտ. դոկտոր ԿԱՐԼԵՆ ԴԱԿԼԱՔՅԱՆ

Այսօր ամբողջ հայությունը Հայաստան—Սփյուռք հարաբերությունների նոր զարգացումներ է ակնկալում: Քաղաքական բոլոր հոսանքները ու խմբավորումները անհրաժեշտ են դառնում համապատասխան հարցադրումներ անել իրենց ծրագրային փաստաթղթերում, ստեղծվում են նույնիսկ Հայաստան—Սփյուռք միասնությունը հետապնդող կազմակերպություններ: Իշխանություններն էլ համահայկական ժողովներ ու խորհրդակցություններ են հրավիրում: Նավասարդյան խաղեր կազմակերպում: Հարցը, իրոք, հասունացել է ու ծառացել հայության առջև իբրև մեր օրերի մարտահրավեր: Խնդիրը սակայն, բաց տարածության մեջ, զերոյից չի սկսվում: Հարցն ունեցել է իր որոշակի պատմությունը և անհրաժեշտ է, որպեսզի դրան նոր զարգացումներ հաղորդելու հավակնող ուժերն ու հեղինակները հաշվի նստեն Հայաստան—Սփյուռք հարաբերությունների եղելության հետ՝ առնվազն կրկնաժ շլինելու համար նախորդած սխալներն ու վրիպումները:

* * *

Հայաստան—Սփյուռք հարաբերությունները վերապրել են մի քանի պատասական ժամանակահատվածներ, որոնց համար ընդհանուրը Հայրենիքի հետ Սփյուռքի կապերի քայլ առ քայլ ընդլայնելու միտումն էր: Առաջին հանգրվաններում այդ կապերը նույնիսկ առհասարակ սեղմվել, սառեցվել կամ խզվել են, բայց տարածքի ու ժամանակի մեջ միտումը մնացել է գործող: Առաջին հանրապետությունը, իր կարճատև կյանքի բերումով, լուրջ հարաբերություններ չհաստատեց Սփյուռքի հետ: Հարաբերությունների հիմնական բաժինը ընկնում է խորհրդային Հայաստանի ժամանակաշրջանին, որի ընթացքում դեպի Սփյուռք արտածվող քաղաքականության սկզբունքների կորագիծը տատանվում է՝ ազգայինից դեպի դասակարգային և նորից ետ՝ դեպի ազգային:

Քսանական թվականների ստեղծվեց Հայաստանի Օգնության Կոմիտեն (ՀՕԿ), որի առաջին նախագահ, մեծ բանաստեղծ Հովհաննես Թումանյանը, 1921 թ. հոկտեմբերի 1-ին Պոլսում, Հայրենիքի Օգնության Մարմնի կենտրոնական վարչության ատենապետ վ. Ալթունյանի հետ մի փաստաթուղթ է ստորագրում: Նրա մեջ ասված է. «Ինչքան ալ գաղափարական ըլլա պայքարը, զոր զանազան կուսակցություններ, նույնիսկ հանուն Հայաստանի բարօրության, հանուն հայ ժողովրդի երջանկության, այնքան մոլեգնորեն կը մղեն իրարու դեմ, պետք է դադարի այլ պայքարը հոն, ուր մեծ օրակարգ կը սկսի՝ Հայաստան և Հայ ժողովուրդ: Մենք հոս և Հայաստանի մեջ հաստատած ենք ներդաշնակ համագործակցության կարելիությունը, կարգը արտասահմանինն է»:

Այս փաստաթուղթը, փաստորեն համազգային համերաշխության ոգու արտահայտությունն էր: Եվ հենց դրա վրա, այսինքն ազգային սկզբունքի հիման վրա արվեցին Հայաստան—Սփյուռք հարաբերությունների առաջին քայլերը: Բայց, շատ կարճատև ժամանակի համար:

Արդեն մի քանի տարի հետո, այսինքն՝ 20-ականների կեսերից պաշտոնապես դրվեց սփյուռքահայության դասակարգային շերտավորման պահանջը: 1923-ին, Լոզանի կոնֆերանսում մեր ազգային ակնկալիքների պատրանքաթափումից հետո, գաղթահայության բոլոր զանգվածները իրապաշտումբնումով իրենց հայացքը դարձրել էին դեպի հորհրդային Հայաստանը: Որպես հայության ղոյատևության և զարգացման միակ խարսխի: Դա ազգային սկզբունքի վրա բազմապիսի կապերի հաստատման հնարավորության մի եզակի պահ էր: Բայց պաշտոնական քաղաքականությունը կառուցվել սկսեց զոսակարգային շերտավորման սկզբունքի վրա: Հայաստանի հետ դործակցության ծիրից օտարվեցին բոլորը, աշխատավորական կոչվող խավերից զատ: Կիրառվում էր «ով մեզ հետ չէ՝ մեր դեմ է» տարամերձ կարգախոսը:

Այս քաղաքականության իրականացման հիմնական խողովակ ընտրվեց 204-ը, որի մասնաճյուղերը արտասահմանում, փաստորեն, վերածվեցին համապատասխան քարոզչության կենտրոններին: հորհրդային Հայաստանի դեկավար գործիչներից մեկը այդ օրերին խնդիր էր դնում, թե 204-ը պիտի դադարի լինել ազգի «կենդանի ուժերի», ազգային դասակարգերի ու կուսակցությունների կոնսոլիդացիայի ուսպարեզ: Նա պետք է դառնա աշխատավորական լայն մասսաների կազմակերպման մի օրգան, որը, վերջ տալով ներհակ դասակարգերի համագործակցության սին մտայնությանը, նպաստելու է ազգության դասակարգային շերտավորմանը: Անշուշտ, այս ամենը ոչ մի առնչություն չունեի 204-ի՝ Հայաստանին օգնություն կազմակերպելու առաքելության հետ:

204-ի գնահատականը միանշանակ չէ: Այդ կազմակերպությունը խոշոր դրական արդյունք ունեցավ թե՛ նյութական օգնություն, թե՛ հարենադարձություն կազմակերպելու և թե՛ հորհրդային Հայաստանի մասին ճշմարիտ լրատվություն տարածելու գործում: Միաժամանակ, ակնհայտ էր, որ 204-ը սկսեց ծառայել իբրև քաղաքական քարոզչության խողովակ, դրանով իսկ խիստ սահմանափակելով իր առաքելությունը, իրենից օտարելով հայ զանգվածներին:

Նման կարգի գործունեությունը, որը նպատակ ուներ գասակարգայնորեն սահմանազատվել Սփյուռքի ոչ-աշխատավորական խավերից, առարկայակալորեն հանգեցրեց պատենելի կառուցմանը Հայաստանի և Սփյուռքի միջև: Այդ առթիվ, պատմաբան Արշակ Ալպոյաջյանը ցավով նկատել է, թե Լոզանի ձախողանքից հետո սփյուռքահայությունը հայ ազգի գոյատևության միակ կրկվանը տեսել է միայն հորհրդային Հայաստանի գոյության և զարգացման հնարավորության մեջ, իսկ Հայաստանի ղեկավարները, դժբախտաբար, բավականաչափ հասունություն չունեցան այդ բացառիկ հոգեբանական պահից օգտվելու կամ առաջադրված սխալ տեսություններից, կամ բոլորովին կամքից անկախ պատճառներով՝ ամբասցնելու համար հորհրդային Հայաստանի դիրքը եթե ոչ իբր քաղաքական հովանավորող ուժը Հայաստանի անձուկ սահմաններից դուրս գտնվող հայոց, այլ գեթ իբր նրանց բարոյական առաջնորդը, և Երևանը դարձնել ընդհանուր միության կենտրոն:

* * *

Իրկրորդ փուլը կամ հանդրվանը սկսվում է վաթսուական թվականների սկզբներին, երբ դասակարգային շերտավորման սկզբունքին փոխարինելու եկավ քաղաքական շերտավորումը, այսինքն՝ Սփյուռք արտածվող քաղաքականության մեջ Հայաստանը շեշտը սկսեց դնել քաղաքականության ոչ-հուկառակորդ ուժերի հետ դործակցության հնարավորության վրա: Դրանով իսկ Հայաստանի դեները լայնորեն բացվեցին բոլոր նրանց առջև, ովքեր պատրաստակամություն էին հայտնում նման դործակցության համար: Բացառություն մնաց միայն պաշտոնական՝ Դաշնակցությունը, քանի որ այդ կուսակ-

ցության շատ անդամներ՝ անհատապես և նրա հովանու լուսկ գործող միավորներ հնարավորություն ստացան այս կամ այն շահով մասնակցելու Հայաստան—Սփյուռք բուռն զարգացող հարաբերություններին:

Հայաստանում ստեղծվեց մի նոր մարմին՝ Սփյուռքահայության հետ մշակութային կապի կոմիտեն, որը ձևով հասարակական (ոչ-կառավարական) կազմակերպություն էր, բայց իր էությունով պետության նոր քաղաքականությունը իրականացնելու կոչված կառույց՝ հենց պետության կողմից ֆինանսավորվող:

Հենց այդ կառույցն էլ իր ուներին վերցրեց նոր փուլի կենսագործման առաքելությունը, և ի տարբերություն 204-ի, անընդհատ ընդլայնեց իր գործունեության սահմանները: Այս նոր փուլի համար բնութագրական էր, որ ազգային սկզբունքը աստիճանաբար վերանվաճում էր հիմնական ու վճռական դիրքը Հայաստան—Սփյուռք հարաբերություններում:

Վաթսունական թվականներից ծայր առնող գրեթե քառորդ դարը՝ մինչև ութսունականների վերջը, Հայաստան—Սփյուռք հարաբերությունների ամենաբուռն զարգացման շրջանը եղավ: Վերազարթոնք ապրեց Հայ Դատը, Սփյուռքը ստացավ աննախընթաց մշակութային սատար մայր հայրենիքից: Դրանք այն տարիներն էին, որոնք ազգային հպարտության խոր զգացում պատճառեցին սփյուռքահայ մարդուն՝ Հայրենիքի գիտական, մշակութային, կրթական, շինարարական, առհասարակ հասարակական կյանքի շատ մարզերում ձեռք բերված բարձր արդյունքների համար: Հայրենիք այցելելը, Հայրենիքի հետ կապվելը, հայրենի ժողովրդի հետ շփվելը դարձել էր ներքին պահանջ, սրբազան ուխտագնացության նման անհրաժեշտություն:

* * *

Հայաստանի անկախության հռչակումով նոր փուլ սկսվեց Հայրենիքի և Սփյուռքի հարաբերությունների մեջ: Տեսականորեն՝ վերացվել էին բոլոր կարգի սահմանափակումներն ու խոչընդոտները: Ստեղծվել էին անհրաժեշտ քաղաքական հնարավորություններ «Մեկ ազգ՝ մեկ հայրենիք» կարգախոսի մարմնավորման համար, այսինքն՝ սկսվում էր մի նոր փուլ, որը պիտի հանգեր Հայաստան—Սփյուռք ինտեգրացիային՝ կենսագործունեության շատ բնագավառներում: Գործնականում, սակայն, քաղաքականությունը այլ ընթացք ունեցավ:

Ասես վերականգնվեցին դասակարգային շերտավորման շրջանի մոտեցումները և մեթոդները: Հայաստանի իշխանությունները նախ փորձեցին «վերակառուցել» Սփյուռքը, գոյություն ունեցող կազմակերպությունների ղեկավար տարրը փոփոխելու և նոր մարդկանցով, իմա՝ սեփական ցուցամատին հլու-հնազանդ «երիտասարդներով» համալրելու այդ կառույցների ղեկավարությունը: Երբ նման փորձը ձախողվեց, վիճակից իբրև ելք, Կալիֆորնիայում նույնիսկ ստեղծվեց ՀՀԾ կուսակցություն: Երվանդ Օտյանի գրչին արժանի այս արկածն էլ անցավ անհետևանք: Մնաց խորհրդային շրջանի քսանական թվականների փորձառության գինանոցից փոխառնված ամենազորեղ միջոցը գործադրել՝ ՀՀ Դաշնակցությունը ամբողջովին օտարել Հայաստանից: Սկզբվեցին դատական հետապնդումներ ու հալածանքներ: Հայաստանի իշխանությունները պարզապես իրենց ապահովագրում էին, որպեսզի ՀՀԴ-ն ինչպես նաև որևէ ուրիշ ուժ, փորձ իսկ շաներ խախտելու իշխանության նկատմամբ ՀՀԾ-ի մենաշնորհը: Նշեմ նաև, որ այս ամենի հետ անմիջական կապ ունեւր իշխանության՝ ցավագարության հասնող վճռականությունը վարկաբեկելու և, ապա, վերացնելու Սփյուռքահայության հետ մշակութային կապի կոմիտեն: Այսինքն՝ կտրեցին այն ճյուղը, որի վրա նստած էին Սփյուռքի հետ բնականոն հարաբերություններ իրականացնելու համար: Կոմիտեն, ըստ երևույթին, կարող էր խոչընդոտել Սփյուռքի նկատմամբ որդեգրված նոր մարտավարություն իրականացմանը: Դրա համար էլ նախապես վերացվեց:

Այս մարտավարությունը Սփյուռքում արձագանքվեց քաղաքական պառակտման աննախադեպ սրումով: Թերևս երբեք կրթերր այդ աստիճան շիկացած չէին, ինչպես իննսունական թվականների կեսերին: Մի կողմում արհեստականորեն սերմանվում էր «աղզրնտիր» նախագահի պաշտամունք, մյուսում՝ փոթորիկ, հակառակ հասցեով:

Պայքարին հավելյալ վառելանյութ էր մատուցում Հայաստանից հնչող հրահանգը այն մասին, թե Սփյուռքը թող փող տա, իսկ այդ փողի կոնկրետ օգտագործման հարցը իրեն չի վերաբերում, թող չխառնվի երկրի ներքին գործերին: Ծիշտ հենց այդպիսի խոսքերով Հայաստանի նախարարներից մեկը Փարիզի հայ մամուլում հանդես եկավ, որպեսզի եկեղեցուն կից ստեղծված հանձնախումբը 11 միլիոն ֆրանկը հանձնելու Հայաստանի դեսպանությունը, իսկ թե ինչպես կծախսվել այդ գումարը, հանձնախմբի գործը չէր: Սփյուռքով մեկ տարածվել սկսեց մի առակ, ըստ որի Հայաստանի իշխանությունը Սփյուռքը դիտում էր որպես անգիտակից կթու կով: Մեր «ներքին գործերին չխառնվելու» թեգր ավելի էս թանձրացրեց փեճակը, երբ Հայաստանի ղեկավարությունը որոշեց բուժել հայ ժողովրդի հոգեբանությունը, ջնջելով նրա հիշողությունը գրատախտակը, մոռացությունը: Հայ Դատն ու ցեղասպանությունը: հերքելով ազգային գաղափարախոսությունը և այլն: Սփյուռքում շատերը ըմբռնեցին, որ այդ ամենը այլևս «ներքին գործ» չէ, վերաբերում է ամբողջ ժողովրդին, բայց նույն ժողովրդի կեսից ավելին մնում էր լուսանցքում, հարցերի քննարկմանը ու լուծմանը անմասնակից: Մեր ժողովրդին «բուժելու» ՀՀԾ-ական այդ դեղատոմսը առաջացրեց շատերի, այդ թվում ԱՍԱԼԱ-ի դժգոհությունը:

Այսպիսով, նոր փուլի սկզբնավորման շրջանում ձախողվեց «Մեկ ազգ՝ մեկ հայրենիք» կարգախոսի իրականացումը: Այս օրերին էլ կատարվում են նոր փորձեր, որոնց նպատակն է որոնել, գտնել Հայրենիք—Սփյուռք Ինտեգրացիայի ուղիները: Ստորև պիտի շարադրեմ խնդրի իմ պատկերացումները մի քանի կետով:

1. Հայրենիք—Սփյուռք Ինտեգրացիայի նախապայման է բուն Սփյուռքի միասնության ապահովումը, որը պիտի արտահայտվի թե՛ առանձին գաղթօջախներում, թե՛ մանավանդ, համասփյուռքյան միասնական ղեկավար մարմինների ստեղծմամբ:

Սփյուռքի գոյատևման ամբողջ ընթացքում այդ հարցը միշտ ծառայել է, բայց երբեք չի լուծվել: Քսանական-երեսնական, թվականներին բաղմամբիվ բանակցություններ են ընթացել Ռամկավար Ազատական և Հայ Հեղափոխական Դաշնակցություն կուսակցությունների միջև, որոնք բոլորը ավարտվել են ապարդյուն:

Նման միասնություն հնարավոր չէր նաև հիմնական մի պատճառով: Խորհրդային Հայաստանի իշխանությունները կտրականապես դեմ էին, քանի որ հնարավոր միասնական մարմնում, բնականաբար, հրամայող դիրքեր պիտի զբաղեին ՀՀԾ-ն և մյուս ազգային կուսակցությունները: Այդ առթիվ հստակ ու բացահայտ արտահայտվեց Հանրապետության առաջին քարտուղար Աղասի Խանջյանը 1931 թվականի աշնանը մի հրատարակային ճառում: Հիսունական թվականների կեսերից ի վեր Հայաստանյայց Առաքելական եկեղեցուց ներս տեղ գտած տազնապր, որը մինչև օրս, ցավոք, շարունակվում է, առհասարակ գործնականում մերացրեց Սփյուռքում միասնական մարմինների ստեղծման հնարավորությունը: Այդ պահից ի վեր, Հայաստանյայց եկեղեցին գործնականում հանուս է գալիս երկու «հավասարազոր» գլուխներով: Սփյուռքի բոլոր գաղթօջախներում, որտեղ շոքում են հյմիածնի և Անթիլիասի թեմերը, «երկգլխանիությունը» առկա է, մեծ ավերածություններ կատարելով: մարդկանց հոգեբանության մեջ: Եկեղեցին ոչ մի կերպ չի կարողանում միասնական կանոնադրություն ունենալ: Դրուժյունը թմում է անհուսալի: Նույնիսկ հենց վերջերս հրաժարական ավից ԱՄՆ-ի Արևելյան թեմի հանձնաժողովը,

որը բաղում տարիներ ապարդյուն փորձում էր միասնության եզրեր գտնել նույն տարածքում գործող անթիլիասական թեմի հետ:

Ակնհայտ է, որ Սփյուռքում միասնության հնարավորությունը այսօր ուղղակիորեն կապված է Հայաստանյազ եկեղեցու միասնությունից: Խնդիրը դրականապես լուծելու ուղղանկարներ երևում են: ՀՀԴ-ն այսօր գործակցում է Հայաստանի իշխանությունների հետ, ուրեմն և շահագրգռված պիտի լինի եկեղեցուց ներս բույն դրած տազնապի վերացման հարցում: Կասկած չունեմ, որ Հայաստանյազ եկեղեցու միասնության վերականգնումը կախված է ՀՀԴ-ի հավաքական կամքից:

2. Հայաստան—Սփյուռք հարաբերությունները պետք է կառուցվեն հորիզոնական հարթության վրա: Անհրաժեշտ է բացառել ուղղաձիգ միտումները, որոնց հետևանքով պետությունը, կամ նրա կամքն արտահայտող սարքեր օղակները (կառավարություն, նախարարություններ և այլն) փորձում են վարչահրամայական ուժ կիրառել: Եթե լրջորեն վերլուծելու լինենք «Հայաստան» հիմնադրամի մասնակի ձախողման պատճառները, սույա անխուսափելիորեն պիտի վեր հանենք այդ ուղղաձիգ ուժի կիրառման երևույթը:

Սփյուռք էլ պետությունը չի հրաժարվել ուղղաձիգ կառույցից, քանի որ հրավիրված բազմաթիվ խորհրդակցություններում և ժողովներում հրամայող դերակատարություն է հանձնվում կառավարությանը, նրա առանձին անդամներին:

Պետք է անհապաղ ստեղծել Սփյուռքի հետ հարաբերությունները իրականացնող մի մարմին, որն ունենա ոչ-կառավարական կարգավիճակ, բայց կոչված լինի իրագործելու պետության ու կառավարության ծրագրերը, և հենց այդ մարմնին տրամադրել որոշակի մենաշնորհ պետության տարրեր օղակների հարաբերությունները Սփյուռքի հետ կանոնակարգելու հարցում:

Հենց այդ մարմնի մասնակցությամբ պետք է ամենայն ուշադրությամբ մշակվեն Հայաստան—Սփյուռք ինտեգրացիային վերաբերող բոլոր հարցերը՝ անտեսական, քաղաքական, մշակութային և այլն:

3. Հարաբերությունների հիմնահարցը տնտեսական ինտեգրացիայի խնդիրն է: Թեպետ արդեն գրեթե մեկ տասնամյակի փաստական անկախության երկիր է Հայաստանը, բայց սփյուռքահայ զրամազլխի ներդրումներ մեր տնտեսության մեջ աննկատելի են: Հիմնական պատճառը ներդրվող միջոցների անպաշտպանվածությունն է: Նույնիսկ պետությունը մի պահ կազմակերպեց բացահայտ ռեկետ: Էլ շխտելով արդեն մասնավոր ռեկետի ամենօրյա գործառույթի մասին: Հիշողությանս մեջ դեռ թարմ է ամերիկահայ բիզնեսմեն Ռուբեն Թերզյանի հուսահատ փախուստը Հայաստանից, երբ նրա «Լեռմենթոյ» ձեռնարկության տապալումը խժռեց մեկ միլիոնից ավելի դոլար գումար՝ տարբեր մակարդակի ու զորության տեր «Տարկահավաքների» միջամտության շնորհիվ:

Պետության կողմից սփյուռքահայաց ներդրումները խրախուսող օրենքների ընդունումը և դրանց պաշտպանվածության բացարձակ ապահովումը, որը մեր պետության առաջնահերթ պարտականությունն է, դեռևս չի կարող հիմք հանդիսանալ տնտեսական ինտեգրացիայի լիակատար իրականացման համար: Նման արդյունքի կարելի է հասնել սփյուռքահայության ամենօրյա մասնակցությամբ մեր տնտեսական կենսագործունեության բոլոր բնագավառներում: Իսկ դա իր հերթին ենթադրում է սփյուռքահայ մարդուն Հայաստանի Հանրապետության քաղաքացիություն շնորհելու հարցի դրական լուծում: Ընդամենը, պահպանելով, ենթակայի ցանկության պարագայում, նրա նախկին քաղաքացիությունը: Միայն այդ միջոցով, երբ կապահովվի սփյուռքահայի սեփականատիրական իրավունքը, այդ թվում և հողի նկատմամբ, կսկսվի տնտեսական լիակատար ինտեգրացիայի գործընթացը:

4. Երկրազաքացիության խնդիրը բուռն վեճեր է առաջացրել նույնիսկ Ազգային ժողովի մակարդակով: Բոլոր նրանք, ովքեր դեմ են արտահայտվում, անհանգստություն են դրսևորում, թե Հայաստանը պիտի թալանվի,

հողը պիտի ենթարկվի կենտրոնացման և համակենտրոնացման, գյուղացիներ՝ հողադրվի:

Երկրադաբադիություն, սովորաբար, արտոնում են այն երկրները, որոնցից ալիս ոչինչ դուրս տանելիք չկա, այլ, բնդհակառակն, կարող են միայն ներս բերել: Մենք այսօր հենց այդ վիճակի մեջ ենք: Հողը, այո՛, վաղ թե ուշ պիտի անցնի կենտրոնացման և համակենտրոնացման ճանապարհը: Բայց կարելի է որոշակի օրենքներով համակարգել հողօգտագործման հարցերը, բարենպաստ պայմաններ ստեղծելով գյուղացու համար, որը այսօր ունի հող, բայց գերի է ընկել այդ մի բուռ հողին՝ առանց մեքենայի, պարտազման, բուժման, բերքի ապահովագրված իրացման և այլն:

Սփյուռքում գտնվող շուրջ 5 միլիոն մեր հայրենակիցների գերակշռող մեծամասնությունը, վստահաբար, չի օգտվելու երկրադաբադիության կարգավիճակից, որը ենթադրում է նաև որոշակի պարտականությունների կատարում: Դա, սակայն, չի նշանակում, թե նրանք դադարում են հայ լինելուց: Իսկ մենք ունենք անհրաժեշտ օրենսդրական դաշտ, որպեսզի սփյուռքահայը Հայաստանում օրենքի սուղն դանադանվեռ որևէ ճապոնացուց կամ բրադիլացուց: Դժբախտաբար շունհնք: Մինչև այսօր էլ սփյուռքահայը մեր օրենքի առջև հարադատ չէ, իսկ իրը մեր իշխանությունները նրանց կոչեցին «օտար», վիրավորանքի խոր դգացում առաջացավ, որը տեղ գտավ նույնիսկ սփյուռքահայ մամուլում:

Սփյուռքահայի համար իր հայրենիքում որոշակի արտոնություններ նախատեսող օրենսդրական դաշտի ստեղծումը ինտեգրացիայի անհրաժեշտ պայմաններից մեկն է:

5. Հանրահայտ ճշմարտություն է, որ առանց հայ ժողովրդի այս վերջին հողակտորի՝ Հայաստանի Հանրապետության գոյության, գրեթե անմիջապես կգաղարի գոյություն ունենալ Սփյուռքը, իբրև աղգային կեցության ձև: Այս հանրահայտ դրույթից հետևում է ոչ այնքան հանրահայտ մի կզրակացություն, որ հրամայաբար անհրաժեշտ է Հայաստանի գոյության, ամրացման ու զարգացման պատասխանատվությունը բաժանել բոլոր հայերի վրա, անկախ նրանց բնակավայրից: Նախորդ իշխանությունները, ձգտելով պահպանել կառավարման մենաշնորհները՝ սփյուռքահայությունը, փաստորեն, օտարել էին այդ պատասխանատվությունից:

Խնդիրը բնագրվում է մի քանի ոլորտներ՝ տնտեսական, բարոյական, քաղաքական: Տնտեսականի հարցը վերը շոշափած լինելով, պետք է ավելացնեմ Ազգային տուրքի գաղափարը: Տարիներ շարունակ ծեծված այս հարցը, իր խնդաթյուրված արտահայտությունը գտավ «Հայաստան» հիմնադրամի ձեռքով, որը, փաստորեն, վեր է ածվել պետության երկրորդ բյուջեի, մի տարբերությունով, որ պաշտոնական բյուջեն գեթ գտնվում է Ազգային ժողովի հսկողության տակ՝ իսկ այս երկրորդը՝ մի խումբ մարդկանց ենթակույտական կամքի հրամանի ներքո: Ազգային տուրքը պետք է հետապնդի համազգային նշանակության ամենակենսական խնդիրներ, ուրեմն և նրա իրականացման ասպարեզը ամբողջ հայությունն է, իմա՝ Հայաստանը, Արցախը, Սփյուռքը: Այս սրարագայում միայն կդառնա իրոք Ազգային տուրք, որը պետք է ունենա համազգային հակակշռի մեխանիզմ:

Բարոյական նորմերի տեղաշարժը, որ ընթանում է Հայաստանում, բավականին հիվանդագին արտացոլում է գտնում ազգային նկարագրի խաթարման երևույթներում: Հայաստանում այժմ տեղի է ունենում սփյուռքացման երևույթ, այդ բառի բացասական իմաստով, որը հատուկ էր քսանական թվականներին, երբ արևմտյան հողի բարքերը խուժում էին անպաշտպան գաղթական դանգալածների վրա: Հայաստանն էլ այսօր արևմտականանում է, հատկապես ամերիկանանում՝ օտար լեզուներով ձայնադրություններից և ազդարերից, որ հեղեղել են մեր փողոցները ու ցուցափեղկերը, մինչև մարմնավաճառություն: Երբեմնի հոգևոր հարստության փոխարեն, որով հպարտանում էր սփյուռքահայը, այսօր մեզ դարպասում է կրթամշակութային ահավոր անկումը: Ե՛վ կրթությունը, և՛ մշակութայինը, և՛ գիտությունը դուրս են մնացել պե-

տույթյան, ավելին՝ ամբողջ ազգի հոգատարությունից: Ահա բնագավառներ, որոնք կերտում են մեր ազգի ապագան: Եվ հենց այս բնագավառները պետք է նաև ունենա իր ուշադրության կենտրոնում Ազգային տուրքը:

Հայաստան—Սփյուռք ինտեգրացիայի բոլոր ուղղությունների ամբողջությունը և արդյունավետությունը ապահովել հնարավոր է միայն քաղաքական պատասխանատվության տարածումով բոլոր կողմերի վրա: Իշխանությունները ձգտել են համոզել Սփյուռքին, թե Հայաստանի կառավարումը, նրանքին և արտաքին քաղաքականության իրականացումը Սփյուռքի գործը չէ. նա պիտի շխառնվի դրանց: Եվ ահա մի պահ որդեգրվեց հակառուսականություն, դրան զուգահեռ Հայ Դատը մոռանալու, ցեղասպանության հիշատակումից խուսափելու քաղաքականություն: Այսօր էլ զանազան քաղաքական ուղղություններ են ընտրվում, որոնք մշակվում են մի քանի ղեկավարներ: ուղեղում և գործադրվում ամբողջ ազգի անունից:

Կարելի է և պետք է մշակվեն մեխանիզմներ, որոնցով սփյուռքահայությունը, ի դեմս իր լիազոր ներկայացուցիչների, մասնակցի երկրի քաղաքականության սկզբունքային հարցերին, և համապատասխան քաղաքական պատասխանատվություն վերցնի իր ուսերին: Վերը հիշատակած միասնական մարմնի ստեղծման պարագայում, դա, բնականաբար, լլինի այդ մարմնի մասնակցության որոշակի սահմանված ձև: Այլ պարագայում կարելի կլինե՞ր յուրաքանչյուր գաղթօջախից մեկական-երկուական ներկայացուցիչ ունենալ Հայաստանի Ազգային ժողովին առընթեր մի խորհրդակցական մարմնի մեջ, որը կունենար խորհրդատվական ձայնը իրավունք, և որը սահմանված ժամկետում կենթարկվեր ոտացիայի: Հնարավոր են, անշուշտ, ուրիշ տարբերակներ: Խնդիրը այս հարցի դրական լուծման անհրաժեշտության գիտակցումն է: Լուծման տարբերակ միշտ կգտնվի, եթե մենք իրոք լրջորեն շահագրգռված ենք «Մեկ ազգ՝ մեկ հայրենիք» կարգախոսին մարմին տալու մեջ:

6. Ռուս հայտնի դիվանագետ Անդ. Մանդելշտամը գրեց Զարևմանուի «Միացյալ և անկախ Թուրանիա» գրքի ուսերեն թարգմանության առաջաբանը, որի մեջ ուսական հասարակության անհանգստությունն էր հայտնում համաթուրքականության ծավալման պայմանները և զգուշացնում էր առիթով: Բնավ պիտի շղարմանալ, ուրեմն, որ հենց Մանդելշտամի առաջարկությամբ և նախաձեռնությամբ, 1931 թվականին Փարիզում, Ազգային Պատվիրակության վերջին նախագահ Գաբրիել Նորատունկյանի տանը, թեյասեղանի շուրջ հավաքվեցին մի խումբ քաղաքական-հասարակական գործիչներ, այդ թվում Ալ. Խատիսյանը՝ Հայ Հեղափոխական Դաշնակցությունից, Արշակ Զուպանյանը՝ Ռամկավար Ազատական կուսակցությունից, Լևոն Բաշալյանը՝ Գաղթականաց հանձնաժողովից: Ներկա էին, անշուշտ, նաև տանտերը ու հավաքի նախաձեռնողը: Մանդելշտամը հարց դրեց. հայ ժողովուրդը ունի ազգային դատ, ուրեմն պարտավոր է ունենալ կենտրոնացված համազգային քաղաքական մարմին, որը ունակ պիտի լինե՞ր համակարգելու և ուղղություն տալու տարբեր վայրերում դանդաղ քաղաքական ու հասարակական խմբավորումների ճիգերին:

Անցել է գրեթե յոթ տասնամյակ: Այսօր շատ ավելի բազմազան են Հայ Դատի հետապնդման ճիգերը աշխարհում: մեկ, բայց շատ ավելի կազմակերպված ու յայն ճակատով է հանդես գալիս հակառակորդը, կենտրոնացված փոխ-խարի միջոցներ ներդնելով հակահայկական շարժումների մեջ: Մենք, սակայն, մինչև այսօր շարունակում ենք տարանջատ գործողությունների մտատավարությունը:

Անհրաժեշտ եմ համարում, որպեսզի մեր քաղաքական ուժերը ըննարկեն համազգային քարոզչական մարմնի ստեղծման խնդիրը և փորձեն իրենց ջանքերի միավորումով հասնել այդ արդյունքին: Դա նույնպես կլինի քաղաքական ինտեգրացիայի լավագույն դրսևորումներից մեկը: